

**Նոր գիրք
ՃԱՐՏԱՐՆ ՈՒ ՃԱՐՏԱՐՑԻՆԵՐԸ ԱԶԳԱԳՐԱԿԱՆ ՀՈՒՂՎՈՒՅԹՈՒՄ**

Վերջերս մեծ հետաքրքրությամբ կարդացի մեր համերկրացի, անվանի գիտնական Սերգեյ Մելքոնյանի «Հուշագրություն. մտորումներ, խոհեր» գիրքը, որը խորհելու և մոլաժելու առիթ տվեց բարի ամենալայն ինաստով։ Արացին հերդին ինձ հուզեց ազգագրության հիմնախնդիրը և նրա զարգացման ու հարստացման ընթացքը մեզանում, կընկրեն Լեռնային Դարարաղի Հանրապետությունում մեր հերոսական նախնիների սրբազնությունը, որի տերերն այսօր մենք ենք, իսկ վաղը լինելու են մեր սերունդները...»

Լավ հիշում եմ... Տարիներ առաջ հանդես էի եկեղ պատմաբան, ԼՂՀ վաստակավոր մանկավարժ Խ. Դավարյանի «Տումի» ազգագրական աշխատության վերաբերյալ, շնորհավորել, միաժամանակ ընդգծել, որ Արցախի մտավորականները պարտավոր են զարգացնել ու հարստացնել ժողովրդի պատմության համար չափազանց կարևոր այդ բնագավառը։

Այդպես էլ եղավ. լուս ընծայվեցին վաստակավոր մանկավարժ Ն. Ավետիսյանի «Հաղորտի», պատմական գիտությունների դոկտոր Հ. Արքահամյանի «Քերո», Փ. Հակոբյանի «Դրմբոն», Ե. Արքահամյանի «Մեծ Թաղեր», Ս. Բեգլարյանի «Իմ Քարահունցը», Ժ. Գրիգորյանի «Ուլուբար», Ս. Մինասյանի «Չափար», Երվանդ և Նինա Արքահամյանների «Արցախյան դեղաբույսեր» և այլ հեղինակների ազգագրական աշխատությունները։ Ասել է թե՝ սկսեցինք ունենալ նկատելի ազգագրություն։

Այստեղ ավելորդ չեմ համարում համառոտակի անդրադառնալ ազգագրության էլույթան ու նշանակության ազգերի պատմական ընթացքին ծանոթանալու և ուսումնասիրելու համար։ «Ազգագրությունը ժողովուրդների կենցաղը, սովորույթները, ծագումը, տարարնակեցումը, էթնիկական յուրահատկությունները, պատմամշակութային արնչությունները հետազոտող գիտություն է» (Հայկական սովետական հանրագիտարան, ՀՍՀԿ, ԳԱ, Եր., հ. 1, էջ 103)։ Պետք է նշել, որ այս ինաստով առավել ակնառու է ՀՀ Հունաստանի գրականությունը։ Հերոդոտոսը, Քսենեփոնը, Ստրաբոնը, Պլուտարքոսը, Պլինիոս Ավագը, Տակիստոսը և ուրիշ մեծեր ազգագրական տեղեկություններ են հաղորդել ոչ միայն հույնների, այլև հարևան, այդ թվում և հայ ժողովրդի ծևավորման, պատմական ընթացքի, կենցաղակարության և այլնի վերաբերյալ։ Ինչ վերաբերում է հայ մշակույթի ներկայացուցիչներին, կարող ենք նշել Ազգարանգեղոսի, Փավստոս Բուղանդի, Եզնիկ Կողբացու, Կորյունի, Մովսես Խորենացու, Դավար Փարպեցու, Սեբեոսի, Մովսես Կաղանկատվացու, Թովմա Արծրունու, Հովհաննես Դրասխանակերտցու, Կիրակոս Գանձակեցու, Միսիթար Գոշի, Սմբատ Սպարապետի, Ստեփանոս Օրբելյանի, Առաքել Դավիթեցու և մեր մյուս պատմիչների Երկերը։ Հայ ժողովրդի ազգագրության ներկայացման ուղղությամբ ակնառու են միջնադարյան արաբ մատենագիրներ Իրդիշի, Իբն Բատուտայի, Աբով Հասանի, Իբն Հասուկալի, Եվրոպացի Մարկո Պոլոյի և մյուսների ճամփորդական նոթերը։

Ազգագրության զարգացման կարևորությունն է թելադրել 19-րդ դարի հայ գործիչներ Ս. Թաղիառյանին, Խ. Արքայանին, Ս. Բժշկյանին, Ս. Էմինին, Ղ. Ալիշանին, Գ. Մրկանձնյանին, Ե. Լալայանին, Ս. Աբեղյանին, Խ. Սամվելյանին և այլ երախտավորների՝ լծվել կարևոր այդ գործին, որի արդյունքը պատմական մեծ արժեք է և անչափ ուրախացրել է Մեծ Լոռեցուն։

Ճիշտ է, խորհրդային տարիներին բավականին հարստացել է հայկական ազգագրությունը, բայց հայտնի պատմառներով շրջանցվել ու գրեթե մոռացվել է Հայոց Արցախը։ Եվ եկեղ է ժամանակը՝ լուրջ վերաբերմունք ցուցաբերելու այդ կարևոր բնագավա-

ՄԵՍՐՈՒԹ ՄԱՇՏՈՅ ՀԱՍԱՍԱՐԱՆԻ ԼՐԱՏՈՒ 2017

Ի նկատմամբ, առանձնապես մեր օրերում, երբ Աղրբեջանի և քաղաքական, և մտավոր ուժերն ամենուրեք հնչեցնում են իրենց մոգոնած սուսուն ու կեղծիքը՝ ոչ միայն Արցախը սեփականելու, այլև Հայաստանը՝ Երևան մայրաքաղաքով, իրենցը համարելու բարբաջանքով։

Այսօր մեր պատերից մեզ պահնված, մեր հերոս նահատակների արյան գնով փրկված Արցախ աշխարհի պատմական անցյալի, նրա հազարամյակների հավատալուս ուղին նկարագրող յուրաքանչյուր գիրք, գրքովկ, հոդված մի-մի ռումբ են մեր երդվալ թշնամու մտագարության դեմ։

Այս առումով ժամանակին ու տեղին հրապարակված կարևոր խոսք է Ս. Մելքոնյանի վերոնշյալ աշխատությունը։ Այն սովորական գիրք չէ, բազմաշերտ, բազմերանգ, բազմարնույթ մի պատում է Հայոց Արցախի բարախուն սրտի առողջ երակներից մեկը հանդիսացող ճարտար գյուղի մասին։

Գիրքը բացվում է ճամաչված լրագրող, պատմաբան, երջանկահիշատակ Սուրեն Ղաջիյանի բովանդակալից խոսքով, որն սկսվում է հետևյալ ինաստությամբ։ «Հացահատիկի արժեքը որոշվում է նրա բերքատվությամբ, մարդու արժեքը՝ այն օգուտով, որ նա կարող է բերել իր մերձավորներին, ... հասարակությանը» (Ս. Մելքոնյան, Հուշագրություն, մտորումներ, խոհեր, Եր., 2015, էջ 3)։

Իտալիայի մեծ զավակ Ջուզեպե Գարիբալդու այս ինաստուն գնահատականը Ղաջիյանը վերագրում է նաև այս գոքի հեղինակին՝ բազմավաստակ գիտնական Մերգեյ Մելքոնյանին։

Հիրավի, այդպես է։ Անվանի գիտնականի անցած բեղմնավոր ուղին կարող է զարդարել ականավոր յուրաքանչյուր մտավորականի գիտագործնական կենսագործյումը։ Վյու Են վկայում նրա 270 գիտական աշխատանքները, այդ թվում, շուրջ 30 ժամանակագրությունները, դասագրքերը, ուսումնական ծեռնարկները, դրանց գումարած՝ նաև տաղանդավոր գիտնականի մանկավարժական գործունեությունը։

Ս. Մելքոնյանի սույն աշխատությունը բազմաշերտ է։ Գոքի ինը բաժիններում հեղինակը վերիշում է իր անցած ուղին՝ մանկությունից մինչև գիտական առատ հունձքի ներկան։ Սակայն գնահատելին այն է, որ նրա մանկության և պատմանեկության տարիների տիտուր և ուրախ, արցունքու և հուսավառ պահերը շաղախնակած են ճարտարցի իր սերմալակիցների միևնույն ապրումներին և ակնկալիքներին։ Նշենք, որ նրա աշակերտական այդ տարիներն անցել են Հայրենական մեծ պատերազմի ծանր ժամանակներում, որ պատմության մեջ է մտել որպես ողբերգական ու հերոսական, կորուստների ու համաժողովրդական սիրանքների դարաշրջան։ Իր պասի ու տատի, նահատակ հոր ու տառապած աստվածուիկ մոր մասին բերված հուշապատումները համաժողովրդական կյանքի հուզիչ պատկերներ են, որոնց միջից հառնում է արցախցու արևակոփ կերպարը։

Երախտագիտության ջերմ զգացումների խոսուն հյուսվածքներ են այն հիշողությունները, որոնք վերաբերում են իր անմոռանալի ուսուցիչներ Խսահակ Գրիգորյանին, Սուրեն Հայրապետյանին, Սուրեն Արամյանին, Սանջան Հովհաննիսյանին, Արտեն Ստեփանյանին, Լուսիկ Քամայյանին և այլոց ու նաև գիտության և մշակույթի ճարտարցի գործիչներին։

Ս. Մելքոնյանը կարուտով ու հապարտությամբ է խոսում իր հայրենի գյուղի մասին։ Ճարտարն Արցախ-Ղարաբաղի հնագույն և խոշորագույն բնակավայրերից է։ Իսկ Արցախն ու Արցախի հայությունն այնքան հին են, որքան Հայաստանն ու հայ ժողովուրդը, քանզի Արցախ աշխարհը միշտ եղել է Հայաստանի անքաժանելի մասը։ Դեռ ավելին պատմական Հայաստանի նահանգներից մեկը՝ 10-րդ նահանգը հանդիսացող Արցախը,

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2017

դարեր շարունակ եղել է կենտրոնական Հայաստանը արևելյան վայրի ցեղերի հաճախակի հարձակումներից պաշտպանող հզոր պատնեշ, անխորտակելի վահան, որին գարնվել, ջարդվել ու հետ են շարութել օտար նվաճողները: Բազմավաստակ գիտնականը բերում է Արցախի զավակ, խոշոր պատմաբան Ենոյի խոսքը: «Առանց Ղարաբաղի լեռնաստանի անհնարին է երևակայել Հայաստանի սրտի, այն է՝ Արարատյան երկրի պաշտպանությունը հյուսիսային և արևելյան տափաստամերից» (Սույն տեղում, էջ 22):

Գրքում հեղինակը, անդրադառնակով պատմական փաստերին, նշում է, որ Արցախը որպես Մեծ Հայքի անքակտելի մաս, մշտապես ակտիվ մասնակցություն է ունեցել Հայկական աշխարհը թշնամիներից պաշտպանելու գործընթացին: Արցախի այրուծին նշանակալից հաղթանակ է շահել նաև Ավարայրի ճակատամարտում: Արցախի մեջիքներն իրենց գինված ջոկատներով խիզախաբար մարտնչել են թուրքերի դեմ Ղավիթ Բեկի ազատագրական պատերազմի ժամանակ: Հանրահայտ է նաև, որ Արցախի կամավորական գինված ջոկատները և արցախի գորավարները՝ Ղամիել Բեկ և Պողոս Բեկ Փիրումյանները, խոշոր դեր են խաղացել օսմանյան թուրքերի դեմ մղված Սարդարապատի ճակատագրական մարտում: Բազմավաստակ գիտնականն իր որդիական սիրուն է բացում հարազատ ծննդավայրի արջու ու նշում, որ նրա հողատարածքները գտնվում են դաշտային Ղարաբաղի սահմանային մասերում, ուստի միշտ եղել են առաջին գծում և մարտնչել հայրենի եզերքներում երևացող վայրի ցեղերի դեմ:

Ճարտարի կամավորական գինված ջոկատները 1918-1920թթ. մեծ օգնություն են ցույց տվել հարևան գյուղերի բնակչությանը՝ Սննա գյուղի մոտ մասնակցելով թուրքագերիներին ջախջախելու հերոսամարտին: Այդ ճակատամարտին մասնակցած ջոկատներից մեկի հրամանատարը եղել է ապագա գիտնականի հայրը՝ 24-ամյա Ավամես Մելքոնյանը:

Գրքի հեղինակն ընդգծում է, որ Ճարտարը միշտ ակնառու տեղ է ունեցել Ենոնային Ղարաբաղի տնտեսության, կրթության, կյանքի տարբեր ասպարեզներում: Նշվում է նաև 1988-1994 թթ. Ղարաբաղյան ազատագրական գյուղամարտին ճարտարցիների ակտիվ մասնակցությունը: Եվ դա պատահական չէ, հաստատում է նա: «Երոսության ավանդները շատ մեծ են: 1941-1945թթ. գերմանական ֆաշիզմի դեմ մղված պատերազմին մասնակցել են 1200 ճարտարցիներ, որոնցից շուրջ 600-ը չի վերադարձել հեռավոր ավելից: Այդ նահատակների հիշատակին հուշակրթող և թանգարան են կառուցված գյուղի դեմ դիմաց՝ անտառապատ լանջին: Թանգարանի սուլֆակերտ պատերին փորագրված են զոհվածների սուլր անունները: Խոկ 1988-1994թթ. թուրք-ազերիների դեմ մղված պատերազմում մարտիրոսված հարյուրավոր ազատամարտիկների հիշատակը հավերժացնելու համար հուշարձան է կառուցվել գյուղի կենտրոնում, ճարտարի սուլֆակերտ, հրաշագեղ մշակույթի պալատի մոտ, որտեղ կանգնեցված է նաև ճարտարի երկար տարիների լեզենդա նախազահ Սուլեն Աղամյանի հուշարձանը:

Ս. Մելքոնյանը հպարտությամբ է նշում հարազատ գյուղի յուրաքանչյուր պատվաբեր քայլ կյանքի տարբեր ոլորտներում: Ընդգծում է հայրենակիցների ակտիվ մասնակցությունը 1991թ. սեպտեմբերի 2-ի Ենոնային Ղարաբաղի Հանրապետության հրչակման գործին:

Ազգագրական տվյալների խոսուն շտեմարան կարելի է համարել սույն գիրքը: Հեղինակը նշում է, որ ճարտարցիները աչքի են ընկնում մեծին հարգելու, փոքրին սիրելու, հյուրին պատվելու հասկանիշներով, աշխատելու տոկունությամբ, հայրենիքը թշնամուց պաշտպանելու անձնագործությամբ: Ճարտարցուն բնորոշ է հումորի բարձր զգացումը: Կատակը ու սրամությունը նրա անքածան ուղեկիցներն են: Ահա թե ինչու ճարտարցիներից շատերն ունեն այսպես կոչված «կիոթ» անուն: Այսպես՝ Ավամեսին

ՄԵԽՐՈԴ ՄԱՀՏՈՅ ՀԱՍԱԼԱՐԱՆԻ ԼՐԱՏՈՒ 2017

Կոչում են Վանես, Սարգսին՝ Սաքի, Հարությունին՝ Թումի, Բագրատին՝ Բագի, Զոհրապին՝ Զուպի, Գաբրիելին՝ Կյափի, Միքայելին՝ Մուլքի և այլն:

Ընթերցողը գրից պարզ պատկերացում է կազմում պատմամշակութային դարավոր առնչությունների մասին: Այսպես՝ մինչև 19-րդ դարի վերջերը Ճարտարդ բաղկացած է եղել Երկու մասից՝ Գյունե Ճարտար (արևադեմ Ճարտար) և Ղուզե Ճարտար (հյուսիսահայաց Ճարտար): Երկու Ճարտարներն էլ տեղավորված են մի խոշոր լեռնահովտի բարձրադիր մասերում: Ժամանակի ընթացքում Երկու Ճարտարների հողատարածքների հարթավայրային մասերում առաջացան նոր բնակավայրեր՝ Գյունե Կալեր և Ղուզե Կալեր անուններով: Այսպիսով՝ միացյալ Ճարտարը 20-րդ դարի սկզբներից բաղկացած է չորս խոշոր մասերից՝ Գյունե Ճարտար և Գյունե Կալեր, Ղուզե Ճարտար և Ղուզե Կալեր: Հետագայում Ճարտարի վարչական, մշակութային, կրթական կենտրոնները հիմնականում կենտրոնացան Գյունե Կալերում և Ղուզե Կալերում, քանի որ արտադրության կազմակերպման, ռելիեֆային ու տրանսպորտային հնարավորությունների առումներով գյուղի այդ հատվածներն ավելի բարենպաստ են: 2010թ. տվյալներով Ճարտարում կա 1048 տուն՝ 4250 բնակչություն: Ճարտարն ամբողջ Արցախ աշխարհում դեռ իհն ժամանակներից փառավոր, բարեկեցիկ կյանքով ապրող գյուղերից է եղել: ՈՒնեցել է եկեղեցիներ, 19-րդ դարի վերջին կազմակերպվել են դպրոց, գիմնազիան և այլ արտադրական ձեռնարկություններ:

Ս. Մելքոնյանը գոհունակությամբ է բերում այն փաստը, որ Ճարտարն իր բնակչության թվով, տնտեսության չափանիշներով, հնարավորություններով, կրթության, մշակութային, գիտական կադրերի առանձնահատկություններով յուրահատուկ տեղ ունի Արցախում, որ ԼՂՀ իշխանությունների որոշմամբ այս հանրահայտ բնակավայրին տրվել է քաղաքի կարգավիճակ: 2014 թվականից այս կոչվում է քաղաք: Հեղինակն ուրախությամբ է ընդգծում, որ իր հայրենի Ճարտարը հայ ժողովրդին տվել է 21 գիտության դրվագ-պրոֆեսոր, այդ թվում՝ Ուսասատանի ԳԱ ակադեմիկոս:

Գրի հեղինակը չի շրջանցում այն անարդար վերաբերմունքն Արցախի հանդեպ, որ ցուցաբերել են ԽՄԿԿ առաջնորդները 1921թ.: Նա գրում է. «Ին հայրենի գյուղում՝ Ճարտարում, ինչպես նաև ամբողջ Ղարաբաղում, բնակչության թիվը շատ ավելին կիմեր, քան այժմ կա: Խնդիրը կայանում է նրանում, որ Լեռնային Ղարաբաղը 70 տարի գտնվելով թուրք-ազգերիների (1918թ. ստեղծված Արդբեջան կոչվող նորաթուխ հանրապետություն) տիրապետության տակ, ենթակվել է ամենաստոր, բազում տեսակի ճնշումների, բռնությունների, որի հետևանքով, հատկապես երիտասարդությունը թողնում-հեռանում էր հազարամյակների պատմություն ունեցող իր հայրենիքից» (Նույն տեղում, էջ 33):

Նկատի ունենալով ազգագրության վիճակը՝ Ս. Մելքոնյանը նշում է, որ Ճարտարի բնակչության թիվը կարող էր լինել ոչ թե 4250, այլ առնվազն 6500-7000 մարդ: Նա նաև գրում է, որ մինչև 1980-ական թվականները շատ ճարտարցիներ տարբեր պատճառներով տեղափոխվել և բնակություն են հաստատել Բաքվում, Մինազեցառում, Գրոզնիում, Հյուսիսային Կովկասի այլ քաղաքներում, Տաշքենդում, Սամարանդում, Կոկանդում, Երևանում, Հրազդանում, Չարենցավանում և այլուր: Միայն Բաքվում ծևավորվել էր Ճարտարից սերված 600-ից ավելի, Գրոզնիում՝ 450, Երևանում՝ 500-560 ընտանիք: Իսկ Բաքվում, Սումգայիթում, Կիրովարադում, Մինազեցառում գտնվող և այլ քաղաքների զարգացման ուղղությամբ վճռական դեր խաղացած բոլոր դարաբաղջները, այդ թվում և Ճարտարցիները, 1988թ. թուրք-ազգերիների կողմից բարբարոսական ամենաստոր մեթոդներով ենթակվեցին ցեղասպանության: Ազերիներն անամոթաբար յուրացրին Արդբեջանում արցախցիների ունեցած ավելի քան

ՄԵԽՐՈԴ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2017

10 մլրդ դոլարի արժողությամբ կարողություններն ու խնայողությունները:

Ի հեծուկես հարևան թշնամիների՝ Ս. Մելքոնյանը կրկին ու կրկին ընդգծում է ճարտարցիների աշխատափրությունը և նպատակին համարությունը:

Գրքի հեղինակը բերում է նաև հարազատ գյուղի տարածքի տեղանունները, Ալարավի, Կլագին ծոր, Չաղալ, Դուրդուչագ, Շուրիսան, Ծարավաձուր, Դուդեն, Ստեփիանանց, Ծլոր, Գովուն, Ծլլոկ, Թռեռն, Նմզի անուններով աղբյուրները: Ազգագրական անմոռանալի մի օրինակ է հետևյալ պատկերը. «Դուրդուչագ աղբյուրի մոտ կա մի սպորտնի: Այդ աղբյուրի ջրից օգտվողները, հիմնականում կանայք, որպես երախտագիտություն, իրենց թաշկինակները կամ հագուստի որևէ կտոր կապում են ամիջապես աղբյուրի մոտ գտնվող սպորտնու ճյուղերից, որի հետևանքով սպորտնին զարդարված տոնածարի տեսք է ընդունում: Ճատ այցելուներ ծառի տակ թողնում են նաև ծու, մետաղե դրամներ՝ որպես երախտագիտություն... Դուրդուչագը մեզ՝ ճարտարցիներին համար մնում է որպես սրբավայր» (Նոյն տեղում, էջ 35):

Գրքում զգալի տեղ է հաստացված ճարտարի տնտեսական, գիտական, մշակութային և այլ ասպարեզների տաղանդավոր ղեկավարների ու գործիչների կյանքին ու թողած ավանդին: Առանձնապես լուրջ ուշադրություն է դարձված ԽՍՀՄ սոցիալիստական աշխատանքի հերոս Սուրեն Աղամյանի նվազումներին: Նրա ղեկավարության օրոք սոցիալիստական աշխատանքի հերոսի կոչման են արժանացել դաշտավար-բրիգադավարներ թևու Սարգսյանը, Դուկաս Ավանեսյանը, օղակավարներ Մադաթ Առուստամյանը, Դանիել Բաղդասարյանը: Ճարտարի խաղողագործության զարգացման բնագավառում անմոռանալի հետք է թողել գյուղատնտես Զահան Լալյայանը: Սուրեն Աղամյանի կենդանության օրոք ճարտար են այցելել Սովետական Միության մարշալ Հովհաննես Բաղրամյանը, գրողներ Սերո Խանզադյանը, Միլվա Կապուտիկյանը, Մետարսեն, Լեռնիդ Հովունցը և ուրիշներ:

Ս. Մելքոնյանը ջերմ տողեր է նվիրել ճարտարի գավակ, Հայաստանի քաղաքական ու պետական ականավոր գործիչ Եղիշէ Ասսարյանի հայրենափրական գործունեությանը: Բացի այդ, գրքում նշվում են բոլոր անվանի ճարտարցիների անունները, կոնկրետ գնահատվում նրանց արած-դրածը:

Անվանի գիտմականի հուշերում շնչում ու թևածում է ճարտարն իր սովորույթներով ու ակնկալիքներով: Բերվում են ազգային կերպարատեսակները, աղամձը, թթի չամիչը, թթօղին, գինին և այլն: Հեղինակը չի շրջանցում մարդկային բնագործության ամենաջերմ ապրումը՝ կարուղը ծննդավայրի հանդե: Նա գրում է. «Իմ համոզմամբ, ազգի դեմքը բնորոշող գյուղն է, որտեղ այսօր էլ պահպանվում են ազգային բոյոր տեսակի սովորույթները, որոնք ազգապահպան հգոր ուժերն են: Եվ որքան էլ երկար տարիներ ապրած լինես քաղաքում, այնուհանդերձ, եթե ծնվել, մանկության ու պատանեկության տարիներն անց են կացրել գյուղում, անհնար է մոռանալ և շատ հաճախակի չկարութել քո հարազատ գյուղին, սովորույթներին, շրջապատի բնությանը, աշակերտական ընկերներին: Որքան մարդ ավելի տարիքով է դարձնում, այդ կարուտն ավելի է ուժեղանում» (Նոյն տեղում, էջ 74):

Գրքի «Ուսանողական տարիներ», «Աշխատանքային գործունեության բարու ուղի», «Աշխատանք բուհական համակարգում», «Սասանակցություն հասարակական-քաղաքական աշխատանքներին», «Ճանապարհորդություններ, մտորումներ, գիտական համաժողովներին մասնակցություն», «Իմ ընտանիքի մասին» բաժիններում ընթերցողին է ներկայանում մի անհատականություն, որին կարելի է համարել աստվածային նվեր ոչ միայն իր ընտանիքին, գյուղին ու Արցախին, այլև ողջ հայությանը, նրա գիտությանը, բուհական մանկավարժությանը և կենսաթերթի ու կենսահաստատ մյուս

ՄԵՍՐՈՒԹ ՄԱՇՏՈՅ ՀԱՍԱԼԱՄԱՆԻ ԼՐԱՏՈՒ 2017

բնագավառներին: Անհատականություն, որն իր տնտեսագիտության դոկտորներ-պրոֆեսորներ՝ Անահիտ Դստեր և <<Ազգային ժողովի պատգամավոր Միքայել որդու հետ մեկտեղ պատիվ են բերում ազգին՝ օրինակ հանդիսանալով նոր սերունդներին:

Գիրքն ավարտվում է «Իմ կենամատենագրությունը» հատվածով, որը ոչ միայն մատնացույց է անում, այլև խորհրդանշում է ականավոր գիտնականի հարուստ ու գարնանահրաշ ուղին, այլև ժողովորի արժանապատիվ զավակի ապրելու օրինակելի բանաձնը:

**Սուկրատ ԽԱՆՅԱՆ
Բանասիրական գիտությունների դոկտոր, պրոֆեսոր,
ԼՂՀ գիտության վաստակավոր գործիչ**